



**Consultatio Canonica De Coadjutoriâ perpetuâ. Sive
Methodus Rite Procedendi in Coadjutoriis**

Arnoldus <a Sancto Leonardo>

Moguntiae, 1695

Caput III. Quis possit dare seu deputare Coadjutores; & an concordata
Germaniæ Coadjutorias perpetuas cum futura successione
comprehendant?

[urn:nbn:de:hbz:466:1-63366](#)



Caput III.

Quis possit dare seu deputare Coadjutores , & an concordata Germaniæ Coadjutorias perpetuas cum futura Successione comprehendant ?

S U M M A R I U M .

1. Solus Papa dat Coadjutores temporales Episcopis , aliisq; Superioribus .
2. Nec Episcopus dissentiente Capitulo Coadjutorem optare ; nec capitulum Episcopo in-vito Coadjutorem dare potest .
3. Ordinarius dare potest Coadjutores temporales inferioribus Prælatis aliisq; beneficiatis .
4. Attamen de consensu Capituli , aut patro-ni Laici ; si beneficia fuerint electiva , vel Iurispatronatus Laici .
5. Coadjutorias cum futura successione solus Papa concedere potest ; quas sine consensu possessoris , Capitulorum , & Ordinario-rum conferre non solet .

Ciij

6. Con-

6. Concordata Germaniae comprehendunt Coadjutorias cum futura successione.
7. Papa concordatis derogare non potest, nisi justa & rationabili de causa.
8. Vnde rarissime per S. Sedem illis derogatum est.
9. Nec Papa concedit coadjutorias perpetuas in beneficiis juris patronatus laici, sine consensu patroni.

I. **D**atio Coadjutorum Episcoporum & suorum superiorum est de majoribus causis, & spectat ad solum Papam; potest tamen Episcopus senio vel infirmitate perpetuâ impeditus de consensu Capituli sui, vel majoris partis illius sibi Auctoritate Apostolica, unum vel duos Coadjutores assumere: & si demens fuerit, capitulum aut duæ partes ipsius hoc facere possunt: sed si Episcopus contradicit, tunc nil innovabit capitulum, sed Episcopi & Ecclesiæ conditionem, quam cito poterit, Papæ intimare debet. Hæc intelliguntur de Coadjutoribus temporibus, seu ad tempus vitæ ipsius coadjudicandis, & clarè constant ex cap. un. de Clerico ægrot. in 6.

II. Ex

II. Ex quibus etiam colligitur , quod sicut Episcopus dissentiente Capitulo vel majore ejus parte , non potest optare Coadjutorem , ita Episcopo invito Capitulum Coadjutorem dare non possit ; sed Papæ debeat notificare statum Episcopi & Ecclesiæ , ut ille det Coadjutorem , si videat id fieri debere . *Gloss. ad d. cap. un. de cler. agrot. in 6.*

III. Prælatis inferioribus , ut Archidiaconis , aliisque beneficiatis Coadjutores temporales dare potest Ordinarius , (qui scilicet potestatem conferendi beneficia Ecclesiastica habet à Jure , à Papa , vel consuetudine) ut sunt Episcopi in suis Diœcesibus , Abbates & alii illam potestatem habentes : ratio est , quia sicut illi hos inferiores beneficiatos possunt instituere , ac ex causis destituere , ita & majori ratione possunt etiam ex causis dare Coadjutores temporales , seu ut clarius exprimam , Coadjutores materialiter spirituales , formaliter temporales . *Barbos. de Iure Eccles. lib. 3. cap. 10. num 22. Fagnan. in cap. nulla de concess. præb. n. 68. De Remouchamps cap. 5. n. 3. Et Conc. Trid. sess. 21.*

C i v lega-

cap. 6. de reform. Expressè statuit , quod Episcopi tamquam Apostolicæ Sedis delegati illiteratis & imperitis Parochialium Ecclesiarum Rectoribus , si aliæ honestæ vitæ sint , Coadjutores aut Vicarios pro tempore deputare possint.

IV. Observat autem Remouchamps *Loc. citat. numer. 6.* Hæc intelligenda esse de beneficiis non electivis , & non dependentibus à patrono Laico , quia respectu dignitatum electivarum , & aliorum beneficiorum Juris patronatus Laici , nec Episcopi aut Legati possunt , nec Papa solet dare Coadjutores quantumvis temporales sine consensu Capitulorum aut patronorum , obstantibus , concordatis Germaniæ quoad electiva , natura verò quoad Jus patronatus.

V. Coadjutorias perpetuas cum futura successione solus Papa concedere & conferre potest , juxta eommunem Doctorum sententiam , passim ubique receptam , ex Conc. Trid. sess. 25. de reformat. *cap. 7.* Nec enim alias quisquam præter Pa-

Papam potest gratiam vacaturi beneficii concedere cap. 2. de præbend. in 6. Ubi Papa tamquam absolutus in beneficialibus Dominus beneficia vacatura promittere, & de iis antequam videntur, ex plenitudine potestatis disponere potest; tametsi nunquam providere soleat de beneficio qualicumque ante vacationem, sive per modum Coadjutoriæ, sive aliter, nisi prævio consensu possessoris, ne præbeatur ansa captandæ mortis alienæ. Nec solet concedere coadjutorias perpetuas in beneficiis electivis sine consensu capitulorum, imò nec in aliis quibuscumque in præjudicium & sine consensu Ordinariorum. Et si contulerit cum clausulis derogatoriis generalibus, illæ videntur invalidæ; ita ut contingente vacatione dignitatis electivæ quocumque mense, liceat capitularibus procedere ad electionem, non obstante titulo Coadjutoriali tamquam nullo, sub- & obreptitio ac inefficaci; uti & Ordinario libere conferre canoniciatus in suis mensibus vacantes; idque juxta tenorem concordatorum Germaniæ; vi quorum in hisce partibus non dantur

Cv

per

per summum Pontificem , nec admittuntur Coadjutores in beneficiis , nisi cum consensu Ordinariorum , uti nec in ele^tivis, nisi præviâ electione per capitulum, seu potius prævio consensu capitularium. Ita ex Branden. *ad concordata German. q. 11. num. 2.* & Remouchamps loc. cit. Laurentius Nicolarts in sua compendiosa praxi beneficiaria ex concordatis Germaniæ tit. 1. dubio 8. §. 12. Quocum pro resolutione secundæ quæstionis in titulo hujus capititis propositæ.

VI. Dico concordata Germaniæ comprehendunt Coadjutorias perpetuas cum futura successione , seu , quod idem est, hujusmodi Coadjutoriæ non obstante concordatis, quin Ordinarii plenam habeant potestatem beneficia coadjutoriis obnoxia , in sex mensibus suis vacantia libere conferendi; quia cum Papa non possit in iisdem mensibus beneficia vacantia conferre; sine expressa dictorum concordatorum derogatione, ita nec Coadjutorias cum futura successione concèdere , præsertim cum eadem concordata excludant quascumque gratias præventivas & exspectatas.

stativas reservationes , ac collationes , & quasvis dispositiones , Ordinariorum Jus , collationem , electionem , seu dispositio- nem in sex mensibus impedientes . Ita s̄aþe à supremo Rotæ Romanæ Tribuna- li decisum fuit ; tum apud *Cassador.* de- cis. unica de pactis . & decis. 4. de Privilegiis . tum apud *Puteum* decis. 108. lib. 2. & decis. 225. lib. 3. quam ad longum refert Nico- larts loc. cit. §. 6.

VII. An autem Papa possit concorda- tis Germaniæ derogare ? ardua quæstio est , in utramque partem à Doctoribus variè disputata ; aliis negativam , aliis affirma- tivam sententiam tenentibus , ut fusè re- fert Rebuff ad concord. *Gallia* in p̄efat. ad rubric de collation. vers. insuper quæro . Res- pondendum mihi videtur cum Nicolarts ad concord. Germaniæ tit. 3 dub. 3. § 5. sub distinctione ; quæ utraque sententia vide- tur posse concliari , quod scilicet Papa pas- sim pro arbitrio , & sine legitima causa ne- queat concordatis derogare ; bene tamen dum iusta & rationabilis id exigit causa , ut Ecclesiæ utilitas , seu necessitas , aliáve si- milis pro locorum & temporum circum- stan-

stantiis. Ratio primæ partis est, quia pacta
seu contractus publici, sicut sunt concor-
data, utramque partem contrahentem æ-
qualiter complectuntur, & obligant, cum
sint correspectiva, & correlativorum idē
sit judicium cap. pervenit 3 x. de jurejur.
Chokier ad reg. 8 gloss. II. num 24. adeoque
nequit à Papa contrahente, sine alterius
partis consensu, illis derogari, uti habetur
in constitutione Julii III. Pontificis relata
à Nicolartstit. 3. dub 1. c 12. in quā sic expressè
habetur: *Nos attendentes concordata prædi-
cta vim pacti inter partes habere, & quæ ex
pacto constant, absq; partium consensu abroga-
rin non consuevisse, neque debere.* Et verò,
si Papa concordatis sine legitima causa de-
rogaret, non tam concordatis derogare
censeretur, quām ipsimet æquitati & rati-
oni, à cuius tamen dictamine non censem-
tur ex quacunque potestatis plenitu-
dine deflectere, circa quod videri
possunt ea quæ Fagnan in cap. consultatio-
nibus de cler. ægrot fuse deducit à num. 50.
usque ad num. 68.

Ratio secundæ partis sumitur ex sum-
ma & absoluta potestate à Christo imme-
diate proveniente, quæ in Pontifice ut
capi-

Capite ministeriali & Vicario resideret, de rebus, & præsertim beneficiis & officiis Ecclesiasticis in Ecclesiæ utilitatem disponendi & dispensandi. *Clem ut lite pendent in fine.* quam nec per ulla pacta à se adèò abdicare vult aut potest, quin semper penes se majorem retineat cap. dudum 14 de præben. in 6. eo quod quis juri privato pro se, & in suam privatam utilitatem; non verò juri publico, & quidem, ut hic, Divino, publicam Ecclesiæ utilitatem concernenti renuntiare possit. *per Ljuris gentium 7. §. ait prætor ff de pactis.* Ac proinde quod Papa ex legitima causa possit concordatis Germaniæ derogare disertis verbis sœpius decidit Rota, & ita passim tenent Doctores quos refert Nicolarts *Loc. cit. §. 10.*

VIII. Advertendum tamen est, quod quamvis in potestate Pontificiâ sit concordatis derogare, id tamen rarissime facit, vel deficiente justa causa, vel voluntate contraveniendi, ita enim Paulus V. ut refert Chokier ad preces primar. *Sect. 5. c. 2. vers. his nihilominus, in una Paderborn. Canonicatus,* dum intellexit clausulam concordatorum derogatoriam pro-

visioni suæ inferram , eandem declaravit irreplisse per inadvertentiam . Similiter anno 1613. in gratia motus proprii relata à Nicolarts *Loc. s̄aþe cit.* §. 13. idem Pontifex Paulus V. declaravit nec suam , nec decessoris sui mentem fuisse derogare concordatis Germaniæ in deputatione cujusdam Coadjutoriæ perpetuæ , ideoque collationem & provisionem de canonicatu & Scholastria Tungrensi vi ejusdem Coadjutoriæ ad favorem cujusdam Clerici Leodiensis factas , & litteras desuper obtentas , sub - & obreputias censendas , easque uti & prædictam derogationem concordatorum revocavit .

IX. Quod dictum est de derogatione concordatorum , etiam dicendum videtur in beneficiis Juris patronatū Laici ; sicuti enim ejusmodi beneficia non possunt conferri sine consensu Patroni , ne avertantur Christi fideles à piis fundationibus ; ita nec Coadjutoria perpetua censemetur per Papam concedi , nisi concurrente Patroni consensu , eo quod per hujusmodi Coadjutoriam transferatur aliquis titulus ut infra cap. 8. dicetur .

Caput